

59 atvinnumálaráðuneytinu símskeyti í hvert sinn sem erlent fiskiveiða-
19. júlí skip tekur höfn í umdæmi yðar til þess að selja þar afla sinn.

Í símskeytinu skal standa:

1. Nafn skipsins, einkennismerki og þjóðerni.
2. Heimili skipsins.
3. Nafn skipstjóra.
4. Hve mikinn afla og hverskonar afla sé ætlunin að selja og hvort það sé allur aflinn, sem í skipinu er, eða hve mikill hluti hans.
5. Hvort seldur hafi verið áður hér á landi afli af skipinu, og þá hvar og hvenær.
6. Hvenær skipið hafi síðast farið frá útlöndum.

Eruð þér beðinn að leggja fyrir hreppstjóra, eða eftir því sem við á, umboðsmenn yðar á höfnum í umdæmi yðar, að athuga svo fljótt sem auðið er eftir að erlent fiskiskip hefir hafnað sig á hlutað-eigandi höfn, skjöl skipsins og rannsaka sérstaklega hvort tilætlun sé að selja afla úr skipinu þar í land, og ef svo er, athuga hvort skipið hefir áður selt afla hér á landi og hvenær. Reynist það, að afla eigi að selja, ber hreppstjóra eða umboðsmanni að senda yður símleiðis tafarlaust tilkynning um það sem nauðsynlegt er til að þér getið sent ráðuneytinu framangreint símskeyti án tafar.

Ennfremur er hérmeð brýnt fyrir yður, að rita á skipshafnar-skrá erlends fiskiskips, í hvert sinn sem það leitar hafnar (sbr. lög nr. 33. 1922, 4. gr.), og geta þess sérstaklega í árituninni, hvort það hafi þá selt afla. Þetta eruð þér einnig beðinn að leggja fyrir hreppstjóra, eða eftir því sem við á, umboðsmenn yðar á höfnum í umdæmi yðar.

Það skal tekið fram, að dönsk og færeysk fiskiskip teljast ekki til erlendra fiskiskipa í þessu bréfi.

60 **Bréf dóms- og kirkjumálaráðuneytisins til biskups,**
9. sept. **um skiftingu Holtssóknar í Vestur-Ísafjarðarprófastsdæmi í tvær sóknir.**

Eftir ósk hlutaðeigandi sóknarnefndar og ályktun héraðsfundar Vestur-Ísafjarðarprófastsdæmis, veitir ráðuneytið hérmeð, samkvæmt tillögum yðar, háæruverðugi herra, í bréfi, dags. 19. ágúst þ. á., og með skírskotun til laga nr. 45, 16. nóvember 1907, um skipun prestakalla, leyfi til að núverandi Holtssókn í Vestur-Ísafjarðarprófastsdæmi

skiftist í tvær sóknir, Holtssókn og Flateyrarsókn, og að ný kirkja verði byggð að Flateyri, þannig, að hreppsmörkin verði látin ráða^{9.} sept. sóknarskiftingunni, að skifting þessi fari fram þá er kirkjan er byggð á Flateyri, og að þá skuli sjóði Holtskirkju skift á milli hinna væntanlegu sókna, hlutfallslega eftir tölu gjaldskyldra manna í hvorum hluta sóknarinnar eins og hún hefir verið síðastliðin 5 ár.

Þetta er yður hérmeð til vitundar gefið til leiðbeiningar og frekari birtingar.

Bréf dóms- og kirkjumálaráðuneytisins til sýslu- 61
mannsins í Rangárvallasýslu, um flutning þingstaðar. 7. okt.

Samkvæmt tillögum yðar, herra sýslumaður, í bréfi dags. 26. f. m., og beiðni hreppsnefndarinnar í Fljótshlíðarhreppi í Rangárvallasýslu, veitir ráðuneytið hérmeð samþykki sitt til þess, að þingstaður téðs hrepps verði fluttur frá Grjóta að Krossalækjará rjett við þjóðveginn, enda annist hreppsnefndin um að jafnan verði til á hinum nýja þingstað hæfilegt hús til þinghaldanna.

Þetta er yður hérmeð til vitundar gefið til leiðbeiningar og til frekari birtingar.

REGLUR

um

um meðferð á skógum og kjarri.

62
16. apríl

Samkvæmt lögum um meðferð skóga og kjarrs, og friðun á lyngi o. fl. frá 7. maí 1928, eru hérmeð, eftir tillögum skógræktarstjóra, settar eftirfarandi nánari reglur um meðferð á skógum og kjarri.

A. Um skógarhögg.

1. Í skóglendi þar sem trjágróðurinn er þéttur, sbr. 1. mynd, og þroskamikill útlits, hvort sem hann er hár eða lágur, má eigi höggva (grisja) meira en það, að krónur þeirra hríslna, sem eftir eru skildar, snerti hver aðra að einhverju leyti, sbr. 2. mynd. Reyna skal eftir